

奉天通志

十四卷之二

奉天通志卷二百十五

人物四十三 列女

列女一 前燕至明

古之帝王爲維持名教扶植綱常起見於是有旌表節孝貞烈之典意至善也奉天視內地開化較晚而其人民負北方剛義之氣性情古樸尙未染於浮靡故此邦之婦女雖未讀書習禮亦以失節爲重辱意者遠被箕子八條之教近接鄒魯之文明積漸而成俗歟歷觀前志所載及近世榮膺褒彰之人其中艱苦備嘗之死靡他者後先相望何其盛也至若委巷孤嫠里不登而史不採汝汝焉以澌滅且不知凡幾惜哉嗟乎觀於此而死生盛衰頓改其節者其亦可以少愧矣茲編所列節孝謹以先後爲次其他貞烈

賢淑亦附入焉述列女

前燕

文明段氏

景昭可足渾氏

段氏號后鮮卑人本單于段國之女

也初進爲夫人號卽王位册拜爲后及僞稱尊追諡文明皇后
可足渾氏僞后暉尊爲皇太后頗預朝政與太傅評密謀誅垂
垂奔俄而后卒追諡景昭

十六國春秋

先段氏

後段氏

段氏垂后鮮卑人先段氏段末杯之女才高性

烈爲太后可足渾氏誣死於獄後段氏段儀之女太子寶立以

氏常謂寶不能嗣守大業逼令自裁

十六國春秋

慕容氏

南燕主德之女封平原公主適段豐豐被殺德命改適

壽光公餘熾氏曰宗臣不事二君貞女不事二夫段氏旣遭無

辜恨不能同死今主上不顧禮義嫁我若不從則違嚴君之命於是密書其裙帶曰死當埋我於段氏墓側尅日交禮至夕遂

自縊而死

遼志略海

後魏

慕容氏 前燕主皝之女昭成帝立爲后生獻明帝后性聰敏多智沈厚決斷專理內政初昭成遣衛辰兄悉勿祈還后戒之曰汝還必防衛辰辰姦猾終當滅汝悉勿祈死其子果爲衛辰所

滅

遼志略海

常氏 遼西人太延中世祖選乳高宗慈和履順有劬勞保護之

功高宗卽位尊爲保太后

遼志略海

高潛妻 沮渠牧犍女封武威公主生子崇初崇舅氏坐事誅公

主痛本生絕嗣以崇繼牧犍後改姓沮渠景明初啓復本姓以

崇子謹之爲沮渠氏後

魏書

高謙之妻中山張氏 明識婦人也教勸諸子從師受業常誡之

曰自我爲汝家婦未見汝父一日不讀書汝等宜各修勤勿替

先業

魏書

唐

李光進母李氏 有鬚數十長五寸許封韓國太夫人二子節制

皆一品光進兄光弼雖異母亦孝悌甲第並開往來極一時之

樂卒葬長安南原將相墓凡四十四幄時以爲榮

唐書

李惟簡母鄭氏 成德節度使寶臣之妻寶臣死嫡子惟岳叛惟

簡奉母至京師朱泚之亂帝出奉天惟簡將赴難謀於鄭鄭曰

爾父立功河朔位宰相身未嘗至京師兄死人手爾入朝未識
天子不能効忠吾不子汝矣督其行曰爾能死王事吾不朽矣
乃斬關出七戰得及行在帝見厚撫之曰爾有母乃能從朕耶
對曰臣誓以死

唐書

李謹行妻劉氏 靺鞨人高宗時謹行擊高麗於發盧河西破之

劉氏留伐努城賊攻之劉擐甲勒兵以守賊引去以功封燕國

夫人

盛京通志

遼

邢簡妻陳氏 營州人甫笄涉通經義尤好吟誦時以女秀才名

之年二十歸簡孝事舅姑閨門和睦生六子親教以經二子抱

樸抱質皆以賢能致位宰相陳氏卒贈魯國夫人

盛京通志

耶律氏 太師舒嚕之妹小字常格操行清潔自矢不嫁能詩文
讀通曆見前人得失悉能品藻咸雍時作文述時政上善之耶
律伊遜求其詩常格遺以回文伊遜知其諷已銜之太康三年
伊遜誣廢太子時舒嚕謫鎮州常格與俱常布衣蔬食人問曰
何自苦如此曰皇儲無罪遭廢我輩豈可美食安寢年七十卒
於家

蕭氏 小字伊遜國舅駙馬都尉托斯和女

原作陶女
蘇幹

歸耶律努以

孝謹聞初努與樞密使伊遜隙被誣奪爵流烏古部帝以氏爲
公主女欲使絕婚氏曰陛下天地之恩然夫婦之義生死以之
臨難頓乖綱常與禽獸何異乃與努同行壽隆初召舉家還保
大中氏在臨潢謂諸子曰吾度盧彥倫必叛汝輩速避我當死

之賊至遇害

蕭氏 小字額里頁

原訛里作

國舅博勒之女年十八歸耶律珠展

原作

者尤

未幾珠展卒既葬謂所親曰妾夫有才不壽天禍妾身復何

倚恃死者可見則相從地下不可見當與俱逝遂自刃而卒

蕭氏 小字綏蘭及笄歸耶律中天慶中爲賊所執蕭置刃於履
誓不受污至夜賊遁得免久之帝召中爲五院都監中謂妻曰
吾本無宦情今當以死報國汝能從我乎蕭氏曰謹奉教及金
兵徇嶺西中守節死蕭氏躍馬突至中所自殺

韓慶民妻某氏 慶民爲宜州節度使金人陷宜州慶民不屈死
之以其妻配將士不從遂自殺金世宗讀太宗實錄見慶民夫
婦事歎曰如此節操可謂難矣

金

阿林妻薩勒札 金源郡王尼楚赫之妹也天輔六年黃龍府叛卒攻抄旁近部族時阿林從軍薩勒札集附近男女五百人築柵爲保守計賊千餘來攻薩勒札裹氈爲甲裂裳爲旗男授甲女鼓譟自仗劍督戰三日賊去皇統二年論功封金源郡夫人李寶信妻王氏 寶信爲義豐縣令時張覺以平州叛王氏陷賊中賊欲逼室之憤罵不從賊支解之大定十二年贈貞烈縣君李英妻張氏 英初爲監察御史在中都貞祐元年元兵取濰州入其家張氏盡以財物與之旣而令張上馬張氏曰我盡以財物與汝猶不見贖耶曰汝品官妻當復爲夫人張氏曰我死則爲李氏鬼頓坐不起遂自殺諡莊潔

王維翰妻姚氏 貞祐初維翰節度定海爲元兵所執死之姚氏亦不屈死諡貞潔

瓜爾佳胡山妻阿爾展

原作夾谷胡山妻阿魯真

宗室承充之女胡山爲瑚

爾哈明安亡時有衆千餘興定元年承充爲上京元帥上京行

省太平執承充應布希萬努

原作萬努

阿爾展修器械積芻糧以

自守萬努使人招之不從又射承充書入城乃碎之曰此詐也萬努兵攻之阿爾展衣男子服與其子富德督衆力戰殺數百人擒十餘人萬努乃解去後復遣將擊萬努兵獲其將十人詔封郡公夫人子富德論功遷賞

薩哈連妻通吉氏

平章政事遷嘉努

原作千

女自幼動有禮法

于歸後閨門肅若薩哈連留守中京元兵圍之疽發背不能軍

通吉氏度城必破謂夫曰公以宗室受國厚恩設城不守當率精銳奪門出攜一子走京師不能則戰而死幸無以我爲慮薩哈連出巡城氏取資財散之家人戒女使曰我死則扶至榻上四圍舉火焚之無使兵見我面遂自經薩哈連歸曰夫人不辱我我肯負朝廷乎因命焚之年三十有六

完顏長樂妻富察氏

字明秀鄜州帥納紳

原作申

之女哀宗遷歸

德以長樂爲總領將兵扈從將行囑富察氏曰夫人幸毋辱此身氏曰君第致身事主無以妾爲念一子在幼出妻柴氏生氏撫育如己出崔立之變富察氏以幼子付婢僕且與之金幣親具衣冠祭物與訣曰崔立不道強人妻女兵在城下吾何所逃惟一死不負吾夫耳遂自縊年二十七

烏庫哩氏 伯祥之妹適臨洮總管圖們呼圖克們伯祥朝貴中
有聲譽圖們死王事崔立之變衣冠家婦女多見汚氏謂家人
曰吾夫不辱朝廷我敢辱我兄及我夫乎卽自縊一婢從死於
側

完顏蘇埒妻某氏 崔立之變謂所親曰吾夫有天下重名吾肯
陷身以辱夫乎今日一死固當但不可離吾家而死卽縊於室
完顏莽格妻溫特赫氏 莽格世襲穆昆兼奉御崔立之變義不
受辱與妻訣妻曰君能爲國死我不能爲君死乎一婢曰君死
婢將安歸是日夫婦同縊婢從之

完顏珠爾妻尹氏 珠爾系出蕭王天興二年珠爾從哀宗爲南
面元帥戰死黃陵岡氏聞取家貲焚之遂自縊年三十一

完顏仲德妻某氏 崔立之變毀容易服攜妾及二子自汴走蔡
蔡被圍丁勇皆乘城拒守妻謝仲德曰丈夫能爲國出力婦人
獨不能耶率諸命婦自爲一軍親運矢石於城下城中婦女爭
出繼之城破仲德妻自縊

元

耶律瑠格妻約囉氏

原作耶律留哥妻妣里氏

瑠格爲遼王卒約囉氏佩虎

符權領其衆者七年帝慰勞甚至約囉氏奏以長子色辰

原作薛闍

襲爵帝欲令其次子善格襲約囉氏拜且泣曰色辰者前妻所

出嫡子當立善格者婢子所出若立之是私己而蔑天倫也帝

賢之允其請並給驛騎遣其季子永安送之東歸恩賚有加

盛京

通志
下同

蕭趙氏 名哇兒大寧人年二十夫蕭病劇謂趙曰我死汝少當奈何曰脫有不諱妾不獨生遂命匠製巨棺夫歿卽自縊家人同棺葬焉時大寧殉夫者有趙唯妻安氏陳恭妻張氏武壽妻劉氏宋敬先妻謝氏稱五烈婦事聞並旌表

高塔必也妻白氏 利州人以死從夫旌表

遼志略海

薩里妻蕭氏 大寧人以死從夫旌表

遼志略海

李君進妻王氏 遼陽人大德八年君進卒將發引親戚咸會氏謂衆曰夫婦同穴義也吾得從良人逝足矣因撫棺慟哭嘔血升餘死與夫連柩而葬送者數百人莫不灑泣

元史下同

趙洙妻許氏 集賢大學士許有壬姪女至正十九年紅巾賊陷遼陽洙爲儒學提舉避亂資善寺以罵賊死許氏不知也賊甘

言誘許氏復以刃脅之色不變已而知其夫死痛哭仆地罵不絕口且曰吾母死於賊吾女兄弟亦死於賊今吾夫又死使我得報汝當醢汝矣遂遇害寺僧哀其貞烈與洙合葬之

李馬兒妻袁氏 瑞州人至正二十二年李病歿氏年十九誓不再嫁孝養翁姑有王成者挾勢欲娶之氏曰吾聞烈女不更二夫遂往夫墓痛哭縊死樹下

文宗信妾白氏 宗信爲遼陽行省丞病篤語之曰汝年方二十我死將奈何氏曰妾身草芥賴夫子以存活萬一不諱妾不獨生宗信死迨殮氏盡出箱篋分給親戚沐浴別主母自縊以殉

親戚義之與夫同葬

遼東志

何干妻柏都賽兒 大寧人夫亡以身殉葬至順三年旌表其門

遼海志略

完顏鐵哥妻李氏 蓋州人至順三年旌表其志節

遼海志略

明

高希鳳妻劉氏 從戍遼東夫爲亂軍所掠斷其腕抱腕而哭罵

不絕口遂被殺希鳳弟藥師努妻李氏早寡守夫墓誓不再適

希鳳季弟巴顏布哈爲仇家所殺妻郭氏卽自縊於馬櫪希鳳

從子塔失廷爲父仇訟陷而死妻金氏姑邢氏俱自縊一門五

節事聞旌表

盛京通志下同

劉智才妻閔氏 智才任大寧萬戶卒妻閔氏無子撫妾子如己

出夫戍金州傭紆供衣食尤能以禮自防事聞旌表

裴貴妻劉氏 名志貞建州人三萬衛鎮撫劉呼喇圖女也讀孝

經列女傳等書成誦年十六適裴貴事翁姑以孝聞貴有疾劉
刲股以進弗效貴曰吾危矣汝幼善事後人劉泣曰奈何以犬
豕畜妾當誓天効死安用生爲遂入隱室自縊越二日貴始卒
所司上其事詔旌表之

趙忠妻及女 忠任廣寧右衛指揮僉事守鎮靜堡正統間敵圍
堡忠拒戰有訛言城陷者忠妻某氏與女皆自縊事聞賜金爲
忠妻女營葬旌其門

耿秩妻張氏 秩爲定遼前衛指揮永樂二十年達虜侵西鄙秩
領兵戰歿於西沙嶺氏年十九仰天號痛欲自縊姑並母勸曰
汝不二志死可也何以舍父母與姑乎氏從命守節四十年景

泰甲辰旌表

全遼志